

***TASĀMUḤ* DALAM *JINĀYAT AL-SYAR'IIYYAT* :**
KAJIAN PERSEPSI PEMIMPIN PERSATUAN PELAJAR NON MUSLIM DI
INSTITUSI PENGAJIAN TINGGI AWAM (IPTA) TERPILIH DI MALAYSIA

Zul-kifli Hussin

Pusat Kajian Pengurusan Pembangunan Islam (ISDEV), Pusat Pengajian Sains
Kemasyarakatan, Universiti Sains Malaysia, 11800 Minden, Pulau Pinang;

E-Mel: zulhssin@yahoo.com; **Tel:** 04-653 2910; **Faks:** 04 – 6532124;

Tahap Pengajian: Ijazah Doktor Falsafah, Universiti Sains Malaysia

Kesedaran keislaman di kalangan orang Melayu dilihat semakin meningkat. Hal ini dapat dilihat melalui perubahan sikap dan minat yang ditunjukkan dalam beberapa sektor seperti sistem perbankan Islam, pajak gadai Islam dan produk-produk halal. Fenomena ini mendorong mereka untuk menghayati ajaran Islam sepenuhnya hingga melibatkan soal perundangan Islam yang berasaskan petunjuk *al-Qur`an* dan *al-Sunnah* merangkumi kesalahan yang terkandung dalam kategori *Hudūd, Qiṣās dan Diyat*. *Hudud* meliputi *al-Zina* (persetubuhan haram), *al-Qadhf* (menuduh orang melakukan zina tanpa membawa empat orang saksi), *al-Syurb* (meminum arak atau minuman yang memabukkan), *al-Sirqah* (pencurian), *al-Hirabah* (merompak), *al-Riddah* (keluar daripada agama Islam) dan *al-Baghy* (pemberontakan). Namun, hasrat ini masih belum terlaksana. Beberapa faktor telah dikenal pasti sebagai halangan. Antara faktor yang disebut-sebut ialah wujudnya penentangan secara total daripada kalangan non-muslim. Selain itu juga, penentangan turut disuarakan oleh pihak Kerajaan dengan alasan hasrat tersebut tidak relevan bagi sebuah negara yang didiami oleh masyarakat majmuk.

Kertas kerja ini berhasrat menjawab permasalahan ini menerusi kajian lapangan ke atas pemimpin pelajar non-muslim di IPTA terpilih di Malaysia. Kaedah pensampelan bertujuan akan digunakan. Maklumat dikumpulkan melalui temu bual berstruktur dengan bantuan soal selidik ke atas responden-responden terbabit.

Hasil penelitian kertas kerja ini diharap dapat membuka persepsi baru bahawa undang-undang Islam adalah berasaskan *tasāmuḥ*. Selain itu, kajian ini diharap dapat menjawab persoalan apakah penolakan terhadap perundangan Islam benar-benar wujud. Sekiranya wujud adakah penolakan itu dibuat setelah non-muslim memahami matlamat sebenar perundangan Islam ataupun tidak.